



Broj: 11-16.6-6204-5/15

Datum: 19.01.2016. godine

Na temelju člana 64. stav (1) tačka b), člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14), na preporuku Komisije za javnu nabavku u skladu sa Zapisnikom o radu komisije broj: 11-16.6-6204-4/15 od 18.01.2016. godine, u postupku javne nabavke: Primarni internet link za lokaciju Banja Luka, direktor Agencije za lijekove i medicinska sredstva Bosne i Hercegovine d o n o s i

ODLUKU o izboru najpovoljnijeg ponuđača

1. Prihvata se preporuka Komisije za javnu nabavku u skladu sa Zapisnikom o radu komisije broj: 11-16.6-6204-4/15 od 18.01.2016.godine, te se okvirni sporazum za javnu nabavku: **Primarni internet link za lokaciju Banja Luka**, dodjeljuje ponuđaču „Blicnet“ d.o.o. Banja Luka, za ponudenu cijenu **3.000,00 KM bez PDV-a, odnosno 3.510,00 sa PDV-om**, kao najbolje ocijenjenom ponuđaču.
2. Prijedlog okvirnog sporazuma o nabavci dostavit će se na potpis izabranom ponuđaču „Blicnet“ d.o.o. Banja Luka, po proteku roka od 10 dana u skladu sa članom 98. stav (5), računajući od dana kada su svi ponuđači obaviješteni o izboru najpovoljnije ponude.
3. Za izvršenje ove odluke zadužuje se i ovlašćuje Sektor za pravne i opšte poslove.
4. Ova odluka objavit će se na web-stranici www.almbih.gov.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.
5. Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 11-16.6-6204-1/15 od 18.12.2015.godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke je 8.547,01 KM bez PDV-a.

Obaviještenje o nabavci, broj: 5-7-2-270-3-66/15 objavljeno dana 21.12.2015.godine.

Zahtjev za dostavu ponuda je prosljeđen sljedećim ponuđačima:

1. BBS Europe; IDB/JIB 4403188520008;
2. TELEKLIK D.O.O.; IDB/JIB 4402952080003;
3. Dasto semtel d.o.o.; IDB/JIB 4400363000005;
4. Elta-Kabel d.o.o.; IDB/JIB 4400078060002;
5. Mtel a.d. Banja Luka; IDB/JIB 4400964000002;

6. BLICNET D.O.O.; IDB/JIB 4400999050002;
7. DIONIČARSKO DRUŠTVO BH TELECOM SARAJEVO - DIREKCIJA SARAJEVO; IDB/JIB 4200211100021;
8. DIONIČARSKO DRUŠTVO BH TELECOM SARAJEVO - DIREKCIJA TRAVNIK; IDB/JIB 4200211100064.

Komisija za javnu nabavku imenovana je Odlukom broj: 11-16.6-6204-2/15 od 18.12.2015.godine.

Komisija za javnu nabavku dostavila je Zapisnik o radu komisije, broj: 11-16.6-6204-4/15 od 18.01.2016.godine direktoru na saglasnost, koji je ujedno i izvještaj o radu. U Zapisniku o radu komisije se nalazi i izvještaj o ocjeni ponuda sa preporukom o izboru najpovoljnijeg ponuđača, u postupku javne nabavke.

U postupku po izvještaju o radu je utvrđeno da je Komisija za javnu nabavku pravilno izvršila otvaranje blagovremeno pristiglih ponuda i ocjenu istih, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda četiri,
- da su blagovremeno zaprimljene četiri ponude ponuđača,
- da su ponude, ponuđača „Blicnet“ d.o.o. Banja Luka u iznosu od 3.000,00 KM bez PDV-a, „Elta-kabel“ d.o.o. Doboj u iznosu od 5.520,00 KM bez PDV-a, „Mtel“ a.d Banja Luka u iznosu od 4.308,00 KM bez PDV-a i Teleklik d.o.o. Banja Luka u iznosu od 4.284,00 KM bez PDV-a, prihvatljive.

U postupku ocjene provedenog postupka, rukovodilac ugovornog organa nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

U postupku donošenja ove odluke, posebno su cijenjene činjenice da je Komisija za javne nabavke, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač „Blicnet“ d.o.o. Banja Luka je izabran primjenom kriterija najniže cijene, koja je ponuđena u iznosu od 3.000,00 KM bez PDV-a, odnosno 3.510,00 sa PDV-om.

RANG-LISTA OCIJENJENIH PONUDA

Red. broj	Naziv ponuđača	bez PDV-a (KM)	Iznos ponude bez PDV-a sa primjenom preferencijalnog tretmana (15%)	Broj bodova
Najpovoljniji uslovi za bodovanje			2.550,00	
1.	Blicnet d.o.o, Banja Luka	3.000,00	2.550,00	100,00
2.	Teleklik d.o.o, Banja Luka	4.284,00	3.641,40	70,03
3.	Mtel a.d., Banja Luka	4.308,00	3.661, 80	69,64
4.	Elta-Kabel d.o.o, Doboj	5.520,00	bez preferencijala 5.520,00	46,20

Nakon bodovanja kvalifikovanih ponuđača Komisija je ustanovila da je cijena ponude ponuđača Blicnet d.o.o. Banja Luka za više od 20% niža od cijene drugorangirane prihvatljive ponude. Na osnovu člana 66. stav (1) Zakona o javnim nabavkama („Službeni glasnik Bosne i Hercegovine“, broj 39/14), Komisija je od ponuđača zatražila pojašnjenje cijene ponude, te dala razuman rok za dostavljanje iste.

Pomenuti ponuđač je u predviđenom roku dostavio obrazloženje cijene u kojem se poziva na to da je u prethodnom periodu pružao usluge ugovornom organu, što podrazumijeva da je pristupna infrastruktura za pružanje usluga u potpunosti izgrađena i potpuno funkcionalna za pružanje usluge i zahtjeva minimalne troškove Blicnet-a za obezbjeđenje tehničkih preduslova za pružanje usluge (materijalne i kadrovske resurse).

Pored toga ističu kako Blicnet posluje direktno sa renomiranim operaterom, svojim nadprovajderom iz Evropske unije, društvom Telekom Slovenija d.d. Ljubljana, zbog čega može ostvariti povoljnije uslove za pristup internetu od većine ponuđača koji posluju na tržištu BiH, navodeći i ostale olakšice koje im takvi uslovi omogućavaju.

Cijeneći dostavljene elemente obrazloženja, Komisija je mišljenja da je ponuđač istim vjerodostojno obrazložio dostavljeni iznos ponude.

Ponuđač „Blicnet“ d.o.o, Banja Luka je pružalac usluge za sekundarni link na lokaciji Banja Luka, ali je u skladu sa zahtjevima Tenderske dokumentacije uredno dokumentovao da ima odvojenu topologiju linkova od Banja Luke ka inostranstvu i linkova od Banja Luke ka Sarajevu.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu.


POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:

1. Ponuđačima,
2. Komisiji za javne nabavke,
3. Sektoru za pravne i opšte poslove,
4. Sektoru za finansijske poslove,
5. web-stranica,
6. a/a.

V.D. DIREKTOR



dr Aleksandar Zolak

3/3

Veljka Mladenovića bb, 78000 Banja Luka
Centrala: +387 51 456 040; 456 050
Fax: +387 51 450 30
E-mail: info@almbih.gov.ba
www.almbih.gov.ba

Велјка Млађеновића бб, 78000 Бања Лука
Централа: +387 51 456 040; 456 050
Факс: +387 51 450 30
E-mail: info@almbih.gov.ba
www.almbih.gov.ba